

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona”, broj: 7/10 i 3/23), a u vezi sa članom 43. stav (1) i članom 52. stav (1) Zakona o izvršavanju Budžeta Zeničko-dobojskog kantona za 2026. godinu („Službene novine Zeničko-dobojskog kantona“, broj: 24/25), na prijedlog Ministarstva za poljoprivredu, šumarstvo i vodoprivredu, Vlada Zeničko-dobojskog kantona, na 141. sjednici, održanoj 14.08.2026. godine, d o n o s i

O D L U K U

**o usvajanju Programa utroška sredstava od koncesija za 2026. godinu
u razdjelu 23-Ministarstvo za poljoprivredu, šumarstvo i vodoprivredu
pozicija „Realizacija projekata Vlade koji se finansiraju iz prihoda od koncesija“ - Izvor 30
Budžeta Zeničko-dobojskog kantona za 2026. godinu**

Član 1.

(Predmet)

Usvaja se Program utroška sredstava od koncesija za 2026. godinu, u razdjelu 23 - Ministarstvo za poljoprivredu, šumarstvo i vodoprivredu, pozicija „Realizacija projekata Vlade koji se finansiraju iz prihoda od koncesija“ - Izvor 30, Budžeta Zeničko-dobojskog kantona za 2026. godinu („Službene novine Zeničko-dobojskog kantona”, broj: 25/24 i 5/26), budžetska organizacija 01, potrošačka jedinica 0001, ekonomski kod 614100 NAD413, u iznosu od 350.000,00 KM (slovima: tristotinepedesethiljada i 00/100 konvertibilnih maraka) i čini sastavni dio ove odluke.

Član 2.

(Način realizacije)

Sredstva planirana ovim programom utroška sredstva, realizovat će se isključivo u skladu sa realizacijom ostvarenih javnih prihoda u Budžetu Zeničko-dobojskog kantona u prethodnom periodu, planovima novčanih tokova Budžeta Zeničko-dobojskog kantona, te mjesečnim i kvartalnim operativnim planovima izvršenja Budžeta odobrenim od strane Ministarstva finansija, osim u izuzetnim slučajevima odobrenim posebnim aktima Vlade Zeničko-dobojskog kantona.

Član 3.

(Realizacija Odluke)

Za realizaciju ove odluke zadužuju se Ministarstvo za poljoprivredu, šumarstvo i vodoprivredu i Ministarstvo finansija, svako u okviru svojih nadležnosti.

Član 4.

(Stupanje na snagu)

Odluka stupa na snagu danom donošenja i objavit će se u „Službenim novinama Zeničko-dobojskog kantona“.

Broj: 02-11-15610/26

Datum, 14.08.2026. godine

Zenica

PREMIJER

Nezir Pivić

DOSTAVLJENO:

1x Ministarstvo za poljoprivredu, šumarstvo i vodoprivredu,

1x Ministarstvo finansija,

1x „Službene novine Zeničko-dobojskog kantona“,

1x a/a.

BOSNA I HERCEGOVINA
Federacija Bosne i Hercegovine
ZENIČKO-DOBOJSKI KANTON



**Program utroška sredstava od koncesija za 2026. godinu,
u razdjelu 23 - Ministarstvo za poljoprivredu, šumarstvo i
vodoprivredu, pozicija „Realizacija projekata Vlade koji se
finansiraju iz prihoda od koncesija“ - Izvor 30
Budžeta Zeničko-dobojskog kantona za 2026. godinu**

ZENICA, august 2026. godine

I NAZIV PROGRAMA

Program utroška sredstava od koncesija za 2026. godinu, u razdjelu 23 - Ministarstvo za poljoprivredu, šumarstvo i vodoprivredu, pozicija „Realizacija projekata Vlade koji se finansiraju iz prihoda od koncesija“ - Izvor 30, Budžeta Zeničko-dobojskog kantona za 2026. godinu („Službene novine Zeničko-dobojskog kantona”, broj: 25/24 i 5/26), budžetska organizacija 01, potrošačka jedinica 0001, ekonomski kod 614100 NAD413.

II ZAKONSKI OSNOV ZA PROGRAM

Zakonski osnov za donošenje Programa utroška sredstava od koncesija za 2026. godinu je sadržan u članu 43. stav (1) Zakona o izvršavanju Budžeta Zeničko-dobojskog kantona za 2026. godinu („Službene novine Zeničko-dobojskog kantona“, broj: 24/25), kojim je utvrđeno da će se budžetska sredstva na poziciji „Realizacija projekata Vlade koji se finansiraju iz prihoda od koncesija“ - Izvor 30, koristiti prema programu utroška koji donosi Vlada Kantona, a u članu 52. stav (1) je utvrđeno da nadležno ministarstvo predlaže Vladi Kantona program utroška sredstava iz člana 43. stav (1) istog zakona.

III SVRHA PROGRAMA

Stvaranje stručnih, tehničkih i pravnih preduslova za dodjelu novih koncesija na vodama, istraživanje i zaštita vodnih resursa koji mogu biti predmet koncesije, priprema projektno-tehničke dokumentacije, te izgradnja i sanacija namjenske infrastrukture u funkciji koncesijskih lokacija, s ciljem unaprjeđenja stanja u oblasti vodoprivrede, privlačenja investicija i povećanja prihoda JLS i Kantona po osnovu koncesionih naknada.

IV IZVORI FINANSIRANJA

Navedena sredstva ostvaruju se u Budžetu Zeničko-dobojskog kantona po osnovu koncesionih naknada za dodijeljene koncesije na vodama na području Zeničko-dobojskog kantona, koja pripadaju Ministarstvu za poljoprivredu, šumarstvo i vodoprivredu. Naime, od svake uplate po osnovu koncesije na vodama, prema Odluci o načinu raspodjele i korištenju sredstava prikupljenih po osnovu kontinuirane i jednokratne naknade od koncesija („Službene novine Zeničko-dobojskog kantona“, broj: 1/13 i 11/22), 70% sredstava prebacuje se na račun grada/općine na čijem području se realizuje predmet koncesije, a 30% sredstava pripada Kantonu. Dakle, ovaj Program utroška odnosi se na sredstva koja po navedenoj raspodjeli ostaju Kantonu.

V VISINA I NAČIN UTROŠKA SREDSTAVA

Budžetom Zeničko-dobojskog kantona za 2026. godinu („Službene novine Zeničko-dobojskog kantona“, broj: 24/25 i 5/26) u razdjelu 23-Ministarstvo za poljoprivredu, šumarstvo i vodoprivredu, budžetska organizacija 01, potrošačka jedinica 0001, ekonomski kod 614100 NAD413, pozicija „Realizacija projekata Vlade koji se finansiraju iz prihoda od koncesija“ - Izvor 30, planirana su sredstva u iznosu od 350.000,00 KM (slovima: tristotinepedesethiljada i 00/100 konvertibilnih maraka).

1. Naziv projekta: RASPODJELA SREDSTAVA PO OPĆINAMA/GRADOVIMA ZA 2026. GODINU

Iznos sredstava: 300.000,00 KM

2. Naziv projekta: FINANSIJSKA SREDSTVA ZA IZRADU STUDIJE O EKONOMSKOJ OPRAVDANOSTI DODJELE KONCESIJE ZA 2026. GODINU

Iznos sredstava: 50.000,00 KM

- U skladu sa članom 4. Zakona o koncesijama („Službene novine Zeničko-dobojskog kantona“, broj: 5/03), prije utvrđivanja prijedloga odluke o pristupanju dodjele koncesije nadležno ministarstvo organizira izradu studije o ekonomskoj opravdanosti dodjele koncesije, koju odobrava Vlada Kantona. Finansijska sredstva za izradu studije osiguravaju se iz prihoda od koncesije čiji iznos određuje Vlada odlukom, na prijedlog resornog ministarstva.

REKAPITULACIJA:

R.br.	NAZIV	Planirano (KM)
1.	Raspodjela sredstava po općinama/gradovima za 2026. godinu	300.000,00
2.	Finansijska sredstva za izradu studije o ekonomskoj opravdanosti dodjele koncesije za 2026. godinu	50.000,00
UKUPNO :		350.000,00

VI KRITERIJI ODABIRA PROJEKATA I NAČIN UTROŠKA-RASPODJELA SREDSTAVA PO OPĆINAMA/GRADOVIMA ZA 2026. GODINU

Sredstva planirana Programom utrošit će se za finansiranje ili sufinansiranje projekata prema Javnom pozivu za dostavljanje aplikacija Jedinica lokalne samouprave (u daljem tekstu: JLS) sa područja Zeničko-dobojskog kantona, i to za sljedeće namjene:

1. Prihvatljive namjene projekata:

1. Istraživanje, valorizacija i priprema vodnih resursa za koncesiju:

- Izvođenje istražnih bušotina, hidrometrijska i geološka ispitivanja, te izrada hidrogeoloških elaborata i elaborata o rezervama vode.
- Izrada studija o ekonomskoj/društveno-ekonomskoj opravdanosti dodjele koncesija na vodama.
- Izrada projektno-tehničke dokumentacije (idejni i glavni projekti, studije uticaja na okoliš) neophodne za pribavljanje odobrenja za građenje za objekte u funkciji koncesije.

2. Zaštita, revitalizacija i uspostava monitoringa na izvorištima:

- Sanacija, rekonstrukcija i fizička zaštita (ograđivanje, uređenje I i II zone zaštite) izvorišta i vodozahvata koji su predmet ili potencijalni predmet koncesije.
- Nabavka i ugradnja opreme za automatski, kontinuirani daljinski monitoring (protok, kvalitet i izdašnost vode).

3. Izgradnja i sanacija namjenske infrastrukture u funkciji koncesije:

- Izgradnja, rekonstrukcija ili sanacija pristupnih saobraćajnica, mostova koji služe **isključivo za stavljanje u funkciju i korištenje predmeta koncesije.**
- **Ograničenja obuhvata infrastrukture:**

Pristupne saobraćajnice i mostovi: Prihvatljivi su samo radovi na dionicama koje se nalaze na udaljenosti od **najviše 500 metara** od granice koncesionog obuhvata/lokacije izvorišta.

2. Finansijska ograničenja i pravilo o broju aplikacija:

- **Maksimalni iznosi sredstava po projektu:**
 - ✓ Za namjene iz tačke 1. (Istraživanja, studije i izrada projektne dokumentacije): **do 50.000,00 KM.**
 - ✓ Za namjene iz tačke 2. (Revitalizacija, zaštita i monitoring izvorišta): **do 70.000,00 KM.**
 - ✓ Za namjene iz tačke 3. (Infrastrukturni radovi u funkciji koncesije): **do 100.000,00 KM.**
- **Pravilo o broju aplikacija:** Jedinica lokalne samouprave (Općina/Grad) može po ovom Javnom pozivu aplicirati sa **najviše jednim (1) projektom**, osim u slučaju kada se drugi projekat odnosi **isključivo na izradu studije o ekonomskoj opravdanosti ili izvođenje istražnih radova**, kada JLS može podnijeti **maksimalno dva (2) projekta**.
- Ukoliko JLS podnese dvije aplikacije od kojih nijedna nije studija ili istražni rad, Komisija će razmatrati samo prvu pristiglu aplikaciju po protokolu Ministarstva.

3. Formalno-tehnički uslovi za razmatranje projekata:

- **Za Izradu studija i istražne radove:** Potrebno je dostaviti Projektni zadatak sa definiranim sadržajem u skladu sa važećim propisima iz oblasti koncesija Zeničko-dobojskog kantona i geoloških istraživanja i/ili Projekat istražnih radova odobren od strane nadležnog federalnog ministarstva.
- **Za Izradu projektno-tehničke dokumentacije:** Potrebno je dostaviti Projektni zadatak i dokaz o riješenim imovinsko-pravnim odnosima ili pokrenutom postupku eksproprijacije na lokaciji.
- **Za Revitalizaciju izvorišta i Infrastrukturne radove:** Potrebno je dostaviti izrađenu projektno-tehničku dokumentaciju i odgovarajući upravni akt za građenje ili izvođenje radova (pravosnažno odobrenje za građenje, odobrenje za sanaciju/rekonstrukciju ili drugi odgovarajući upravni akt u skladu sa Zakonom o građenju ZDK).

4. Kriteriji za ocjenjivanje i bodovanje aplikacija:

Ocjenjivanje pristiglih aplikacija vršit će se na osnovu Smjernica o minimalnim standardima dodjele budžetskih sredstava putem transfera i subvencija („Službene novine Federacije BiH“, broj: 37/24), u mjeri u kojoj je primjenjivo, prema sljedećoj mjerljivoj skali bodovanja:

R.br.	Kriterij	Max. bodovi
1.	Procijenjeni ekonomski i razvojni efekti (Očekivani prihod od koncesione naknade, broj potencijalnih radnih mjesta i stepen uticaja na privredni razvoj JLS i Kantona)	40
2.	Stepen pripremljenosti projekta i resursa (Riješeni imovinsko-pravni odnosi, posjedovanje istražnih podataka i tehničke dokumentacije)	30
3.	Stepen vlastitog učešća JLS ili drugih sufinansijera (Procentualno učešće u ukupnoj vrijednosti projekta)	20
4.	Održivost projekta i uticaj na zaštitu okoliša (Očuvanje vodnog resursa i trajna upotrebljivost za krajnje korisnike)	10
	UKUPNO:	100

Ministarstvo će rješenjem ministra imenovati Komisiju za utvrđivanje i provođenje Javnog poziva.

Uslov za razmatranje i odabir je popunjen Aplikacioni obrazac sa pratećom dokumentacijom, koji će biti sastavni dio Javnog poziva.

Ministarstvo se obavezuje da sa onim JLS čiji projekti budu odobreni zaključi Sporazum o sufinansiranju, kojim će se detaljno regulisati međusobna prava, obaveze, rokovi i način realizacije i prenosa odobrenih sredstava.

Rok za potpisivanje ugovora i realizaciju projekta postavljen u sporazumu mora se striktno poštovati. Izuzetno, rok važenja sporazuma može se produžiti isključivo na osnovu pismenog i obrazloženog zahtjeva JLS (Općine/Grada), podnesenog prije isteka roka trajanja osnovnog sporazuma, o čemu se zaključuje odgovarajući aneks. Nakon isteka roka važenja sporazuma, isti se ne može produžiti niti se mogu zaključivati naknadni aneksi i ugovori o prenosu sredstava.

VII IZVJEŠTAJ O UTROŠKU SREDSTAVA

Gradovi/općine kao korisnici doznačenih sredstava dužni su dostaviti Ministarstvu za poljoprivredu, šumarstvo i vodoprivredu detaljan izvještaj o namjenskom utrošku sredstava, sa priloženom finansijskom i tehničkom dokumentacijom (fakture, situacije, zapisnici o primopredaji radova/studija), u skladu sa potpisanim Sporazumima, a najkasnije do **31.03.2027. godine**.

U slučaju da korisnici doznačenih sredstava ne dostave izvještaj o namjenskom utrošku sredstava do ostavljenog roka ili sredstva utroše nenamjenski, dužni su izvršiti povrat sredstava u Budžet Kantona i neće imati pravo aplicirati za dodjelu sredstava u naredne dvije (2) fiskalne godine.

O utrošku namjenskih sredstava po ovom programu, Ministarstvo za poljoprivredu, šumarstvo i vodoprivredu dužno je polugodišnje i godišnje izvještavati Vladu Zeničko-dobojskog kantona.

Broj: 02-11-15610/26

Datum, 14.08.2026. godine

Zenica

PREMIJER

Nezir Pivić

DOSTAVLJENO:

1x Ministarstvo za poljoprivredu, šumarstvo i vodoprivredu,

1x Ministarstvo finansija,

1x „Službene novine Zeničko-dobojskog kantona“,

1x a/a.